

## OLMOOŠVUOIGÄTVUODÄAIRÄSKODE JESÄNIJ NOMÄTTEM

Ovdâskode riehtiäššiolmuust adelum laavâ mielđ riehtiäššiolmooš aassât olmoošvuoigätvuođairâskode, ko lii kuullâm olmoošvuoigätvuođakuávdáá hoovdâ. Čuávuvâš airâskodde asetuvvoo pajan 1.4.2020–31.3.2024.

Olmoošvuoigätvuotâ já ton olmoošvuoigätvuođairâskodde oovtâst ovdâskode riehtiäššiolmuin taheh Suomâ aalmuglâš olmoošvuoigätvuotâinstituutio. Olmoošvuoigätvuođakuávdáá pargon lii

1. ovdediđ vuáđu- já olmoošvuoigätvuođaid kyeskee tiedettem, šoddâdem, škovliitem já tutkâmuš sehe toid kyeskee oovtâspargo;
2. rähtiđ čielgiittâsâid vuáđu- já olmoošvuoigätvuođai olášuumeest;
3. toohâđ aalgâid sehe adeliđ ciälkkâmušâid vuáđu- já olmoošvuoigätvuođai ovdedem já olášuttem várás;
4. väldiđ uási vuáđu- já olmoošvuoigätvuođai oovdedmân já turviimân kyeskee evrooplâš já eres almugijkoskâsâš oovtâspaargon;
5. anneeđ huolâ eres västideijee vuáđu- já olmoošvuoigätvuođai oovdedmân já olášuttemân kyeskein pargin.

Olmoošvuoigätvuođakuávdáš ij kiedâvuš kuoddâlemijd. Olmoošvuoigätvuođakuávdáš lii toimâlavt jiečânâs, mutâ haaldâtlavt uási riehtiäššiolmii kanslia. Olmoošvuoigätvuođakuávdáást lii asâttum ovdâskode riehtiäššiolmust adelum laavâ (535/2011) 3 a lovvoost.

Olmoošvuoigätvuođakuávdáá olmoošvuoigätvuođairâskode pargon lii laavâ mielđ:

1. kiedâvuššâđ vijdes já vuáđujurdulavt tehâlâš vuáđu- já olmoošvuoigätvuođaaašijd;
2. tuhhiittiđ jyehi ive olmoošvuoigätvuođakuávdáá toimâmvuávám já toimâčielgiittâs;
3. toimâđ vuáđu- já olmoošvuoigätvuođâsyergi tuáimei aalmuglâš oovtâstpargo-orgaanin.

Laavâ mielđ airâskoddeest láá aalmugjeessânohtsâškode, vuáđu- já olmoošvuoigätvuođatutkâm sehe eres vuáđu- já olmoošvuoigätvuođai oovdedmân já turviimân uási väldei tuáimei ovdâsteijeeh. Airâskode jesâneh väljejuvvojeh sii persovnlâš äššitubdâm vuáđuld nuuvt, ete čuákânpieijâmist olášuvá muuneld mainâšum laavâ ulme. Airâskoodán kuleh lasseen pajemui lavâlâšvuođâkoccei, spesifâšairâsij já sämitige ovdâsteijeeh.

Jesânin nomâttum kalga čonnâsuđ airâskode tooimân. Jeessânvuotâ váátá njuolgâdâslâš uási väldim já valmâštállâm airâskode čuákkimijd sehe máhđulâš juávusporgâm. Airâskodde čokkân 2–4 keerdi ivveest já tast láá pargâváljukodde sehe pissoo juávusin vâdulij ulmui vuoigätvuođaid kiedâvuššee juávus. Lassen tast pyehtih leđe tiätu teemaid vuáijjoo eres juávuseh.

Airâskoodán nomâttuvvojeh 20–40 jesânid. Riehtiäššiolmooš puáhtá nomâttiđ airâskode jesânin meiddei iärrás ko meriäigist ucâmuš kuáđđâm ulmuu.

Airâskoge čuákânpieijâmist heiviittuvvoo nisonij já almai koskâsâš täsiárvust adelum laavâ 4 a § 1 moomeent vátâmuš, mon mielđ staatâ komiteain, ráđádállâmkuudijn já eres västideijei toimâorgaanijn kalga leđe sehe nisoneh ete almaah kuábbááh-uv ucemustáá 40 prosenttid, jis ij lah spesifisâš suujah iärâsân.

Olmoošvuoigâtvuodâairâdkode saavâjodetteijen tuáimá Olmoošvuoigâtvuodâkuávdáá hovdá. Airâskode väljee koskâvuodâstis värisaavâjodetteijee. Airâskode jesânijd mäksih ovdâskode kanslia toimâkode meridem máávsu.

Olmoošvuoigâtvuodâairâskode jeessânvuodâst toimâpajan 1.4.2020–31.3.2024 peerustškuáttâm ulmuid pivdeh toimâttiđ ucâmuš ovdâskode riehtiäššiuulmuu kanslia kirjimkonttuurân (***oikeusasiames@eduskunta.fi*** tai **Arkadiankatu 3, 00102 EDUSKUNTA**). Ucâmusah kalgeh leđe ovdâskode riehtiäššiuulmuu kanslia kirjimkonttuurâst **majemustáá 10.3.2020 tme 16:00**.

### **Ucâmušâst kalgeh leđe čuávuviih ääših**

- Ohtâvuodâtiäđuh (ovdânommâ, suhânommâ, čujottâs, puhelin, šleđgâpostâ – maht pyeremusávt juksá)
- Škovliittâs já áámmát
- Kuvvim vuáđu- já olmoošvuoigâtvuodâid kyeskee tâi eres airâskode pargoi já ulme pee-leest anolâš äššitubdâmist, hárjánmist já toimâmist.

Ucâmušâid pivdeh lahteh ánsuluvâttállâm tâi nommâkirjeváldus.

Ucâmušâst pivdeh meiddei mainâstid uánihávt, mondiet occee ocá olmoošvuoigât-vuodâairâskode jesânin.

Tiäđustállâmiyd västid oovdânpyehteeneuvos Riitta Länsisyrjä, ([riitta.lansisyrja@eduskunta.fi](mailto:riitta.lansisyrja@eduskunta.fi)), 09 - 432 3363.